



# HURRIYAT

Mustaqil gazeta

2017-yil 24-may, chorshanba

\* № 21 (1032)

\* 1996-yil dekabrda chiqarib boshlagan

\* Elektron manzil: info@uzhurriyat.uz \* www.hurriyat.uz

O'zingni angla!

## ДАХЛДОРЛИК ХИССИ

“Халқ билан мулоқот ва инсон манфаатлари йили”да тўрт кун давомида пойтахт ижод аҳлидан катта бир гуруҳ Сурхондарёнинг барча туман ва шаҳарларида, ҳатто энг чекка қишлоқларида ҳам бўлиб, фуқаролар, ўқувчилар, ҳарбийлар билан дилдан курган суҳбатлари ва ижролари шубҳасиз, тингловчиларга катта завқ-шавқ улашди.

⇒ 3-бет

## ҲИНДИСТОНЛИК ТАЛАБАНИНГ ИХТИРОСИ

Ҳиндистонлик талаба Рифат Шаарук дунёдаги энг кичик ва енгил йўлдошни яратди. Мазкур ихтирога НАСА ўтказган танлов асос бўлган.

Талаба йигитнинг қайд этишича, бу ишни нолдан бошлаган. Йўлдош углерод толаларидан яратилган ва 3Д принтерда босиб чиқарилган. Бор-йўғи тўрт сантиметрлик йўлдошда Ернинг ҳаракат тезлиги, айланиши ва магнитосферасини ўлчаб берувчи саккизта узатгич (датчик) бўлиб, кўриниши коургасимон, вазни эса 64 грамм.

⇒ 5-бет

## НАТАЛИ

— Кўлбола ош қилинг, дедим нимагадир қувончим ичимга сизга.

Бирдан ҳовлининг у бошидан кадрдон овоз қалтираб ёрилди.

— Кечаям палов, бугунам... Ахир касалсиз-ку, парҳез қилинг. Дўхтир нима деди.

Бироз аччиғим чиқди. Битта битта келинимга нимагадир раҳмат дедим, овоз чиққан тарафга қараб ўдағайладим.

— Ў, ўзбекнинг хотини жим ўтир. Жимгина ўтир.

⇒ 7-бет

## ЧОРШАНБАДАН ЧОРШАНБАГАЧА

Ўзбекистон Республикаси Президенти Шавкат Мирзиёев Туркменистон Президенти Гурбангули Бердимухамедовнинг таклифига биноан 19-20 май кунлари амалий ташриф билан ушбу мамлакатда бўлди.

Ўзбекистон Республикаси Президенти Шавкат Мирзиёев 21 май куни Саудия Арабистонининг Ар-Риёд шаҳрида бўлиб ўтган Араб-мусулмон мамлакатлари ва АҚШ саммитида иштирок этди.

Ўзбекистон Республикаси Президенти Шавкат Мирзиёев Саудия Арабистонига ташрифи давомида Ислам тараққиёт банки Президенти Бандар Ҳажар билан учрашди.

2017 йилнинг 22 май куни Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Ўзбекистон Республикаси Олий Мажлиси Қонунчилик палатасида Ўзбекистон ва Европа Иттифоқи парламентлараро ҳамкорлигига бағишланган давра суҳбати бўлиб ўтди.

Ўзбекистон Республикаси Олий Мажлиси Қонунчилик палатаси ва Сенатида Бутунхитой халқ вакиллари кенгаши Доимий қўмитаси раисининг ўринбосари, бош қотиби Ван Чэн билан учрашув бўлиб ўтди.



“Ўзбекистон ҳаво йўллари” миллий авиакомпанияси самолётларида ҳам йўловчиларнинг доимий ҳамроҳи.



## Энг яхши ахборот-ресурс маркази

Андижонда “Йилнинг энг яхши ахборот-ресурс маркази” кўрик-танловининг мамлакат босқичи бўлиб ўтди

Президентимиз раҳнамолигида китоб мутолааси ва китобхонлик маданиятини оширишга қаратилган алоҳида эътибор халқимиз тафаккурини юксалтириш, ёш авлодни мустақил фикрлайдиган юксак маънавиятли инсонлар этиб тарбиялашда муҳим омил бўлмоқда.

Ушбу танлов ўрта махсус, касб-ҳунар таълими муассасалари тасарруфидagi ахборот-ресурс марказлари фаолиятини такомиллаштириш, китобхон ўқувчилар сафини кенгайтириш, хизмат кўрсатиш сифатини ошириш, бу борда самарали фаолият юритаётган марказларни аниқлаш ва муносиб

рағбатлантиришга хизмат қилаётир.

— Айни пайтда ўрта махсус, касб-ҳунар таълими муассасаларида фаолият юритаётган 1 минг 550 дан ортиқ ахборот-ресурс маркази замон талаблари асосида жиҳозланган, — дейди Ўзбекистон Республикаси Олий ва ўрта махсус таълим вазирлиги ўрта махсус, касб-

ҳунар таълими маркази бош мутахассиси Комилжон Мавлонов. — Улардаги мавжуд 31 миллион 830 минг нусхадаги адабиётдан 4 миллион 200 мингга яқин китобхон, жумладан, 1 миллион 476 мингдан зиёд ўқувчи фойдаланмоқда.

Танловда ўрта махсус, касб-ҳунар таълими муассасаларининг ахборот-ресурс марказлари жамоалари ўзларининг иш фаолиятига оид кўрсаткичлар, альбом ҳамда яратган веб-сайтларини намойиш этди, тест саволлари ва маълумотлар базасини яратиш борасидаги билим ва малакасини синовдан ўтказди.

Андижон машинасозлик институти қошидаги 2-академик лицей ахборот-ресурс маркази биринчи ўринни эгаллади. 2-ўринга Бухоро автомобиль ва йўллар касб-ҳунар коллежи, 3-ўринга Тошкент вилояти Қибрай молия-иқтисодиёт коллежи ахборот-ресурс маркази сазовор бўлди.

— Бугунги ғолиблик жамоамизнинг ҳар бир аъзосига катта масъулият юклат, янада фаол меҳнат қилишга ундайди, — дейди Андижон машинасозлик институти қошидаги 2-академик лицей ахборот-ресурс маркази раҳбари Муҳайё Солиева. — Танлов тизим ходимларининг ўзаро тажриба алмашиши, илғор иш усулларини ўрганишига ёрдам бериши билан янада муҳимдир.

Ғолиб ва совриндорлар ташкилотчиларнинг фахрий ёрлик ва эсдалик совғалари билан тақдирланди.

Ф.УБАЙДУЛЛАЕВ,

ЎЗА муҳбири

Суратда:

тадбир қатнашчилари

З.УЗОКОВ

(ЎЗА) олган сурат

## ОАВ: ахборот шаффофлиги тараққиёт гарови



Кеча Ўзбекистон Миллий матбуот марказида Ўзбекистон Журналистлари ижодий уюшмаси томонидан Ўзбекистон Республикаси Олий Мажлиси Қонунчилик палатасининг Ахборот ва коммуникация технологиялари масалалари қўмитаси, Ўзбекистон Республикаси Ахборот

технологиялари ва коммуникацияларини ривожлантириш вазирлиги билан ҳамкорликда ташкил этилган “Давлат ҳокимияти ва бошқарув органлари фаолияти очиқлигини таъминлашда ОАВ олдида турган долзарб вазифалар” мавзусида давра суҳбати бўлиб ўтди.

Очиқ мулоқот тарзида ўтган тадбирда давлат ҳокимияти ва бошқаруви органлари фаолиятининг очиқлигини таъминлаш, бунда оммавий ахборот воситаларининг масъулиятини ошириш масалалари муҳокама этилди.

4

## Хурматли муштарийлар,

2017 йил учун “HURRIYAT” газетасига обуна ишлари давом этмоқда. Газетамизга обуна бўлолмаганлар эса уни савдо дўконларидан харид қилишлари мумкин.

Ўқинг, баҳра олинг ва уни ҳамроҳларингизга ҳам ҳада этинг. Бундан ташқари, “Hurriyat” да топ этилган материаллар билан www.hurriyat.uz сайти орқали ҳам танишингиз мумкин.



“HURRIYAT” ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ!

## БИЛИМИ ЗЎР МИНГНИ ЙИҚАР



⇒ КУН МАВЗУСИ

Шу йил 5-майда “2017—2018 ўқув йилида Ўзбекистон Республикасининг олий таълим муассасаларига ўқишга қабул қилиш тўғрисида” Ўзбекистон Республикаси Президентининг қарори қабул қилинди. Хўш, бу йил олий

ўқув юртига қабул жараёнида қандай ўзгаришлар бўлади? Умуман, мазкур қарорнинг зарурати ва моҳияти нимада? Шу каби саволларимизга жавоб олиш мақсадида Ўзбекистон Республикаси олий ва ўрта махсус таъ-

лим вазирлиги кадрлар тайёрлаш ва олий таълим муассасаларини ташкилий-методик таъминлаш бош бошқармаси бошлиғи ўринбосари Барно РАЖАБОВ билан суҳбат уюштирдик.

2













